

## **Theologiæ Sacramentalis Scholasticæ Et Moralis Pars ...**

Ad Mentem Doctoris Subtilis Ioannis Duns Scoti D. Augustino conformen

In Qua Tractatur De Contractu Et Sacramento Matrimonii

**Bosco, Jean a**

**Lovanii, 1678**

Concl. VI. Votum Ordinis Sacri, aut castitatis valet, sed sine præjudicio sponsalium præcedentium. Votum castitatis perpetuæ tribuit jus alteri parti resiliendi.

---

[urn:nbn:de:hbz:466:1-73432](#)

## CONCLUSIO VI.

Votum Ordinis Sacri, aut castitatis valet, sed sine præjudicio sponsalium præcedentium. Votum castitatis perpetuae tribuitus alteri parti resiliendi.

**145.**  
Votum perpetua castitatis dat alterius resiliendi,

**U**ltima pars est communis, & probari soler; quia per illud votum facta videtur notabilis mutatio; nam vovens nunquam potest petere debitum, sed ad summum reddere; adeoque alter debet semper petere, si vellet copulari, quod est satis molestum, saltem foemini, quæ ex natura sua verecundæ sunt, ut proinde hæc mutatione seu conditio censematur in contractu exclusa, quia si sponsa eam scivissent, potuerint rationabiliter nolle contrahere.

**Quare addatur ly Perpetua.**  
Ex quo festinè cognoscitur, quare addatur ly Perpetua; quia potest fieri votum castitatis pro tam brevi tempore, ut non censematur facta notabilis mutatio, v. g. si solum duret pro primo bimestri, pro quo aliquoquin non tenentur conjuges reddere debitum, ut suo loco videbimus.

**Ratio hujus doctrinae ex Dicatillo.**  
Aliam rationem hujus doctrinæ assignat Dicatillo supra num. 460. quia, inquit, vovens voto suo censemtur renuntiare obligationi alterius, intendens utique se obligare ad id, quod est incompossibile cum Matrimonio, sibi promisso. Sic ille, post Sanchez lib. I. disp. 46. num. 5.

**146.**  
**Expenditur.**  
Dices; hæc ratio non videtur valere, nisi vovat absolute neque exigere, neque reddere debitum; si enim vovat castitatem, prout eam servare potest in statu Matrimoniali, jam ex illa parte non renuntiat obligationi suæ; nam tale votum, & ejus observatio, est compollibilis cum Matrimonio, solum quippe obligat ad non petendum debitum stante Matrimonio, & eo soluto ad non reddendum, quod non repugnat Matrimonio de praælenti ineundo.

Planè non repugnat. Neque hoc ignoravit Dicatillo: siquidem n. 476, ita scribit: Quæret quis, ap' sponsa possit ab sponsalibus resilire, quando sponsus vovit quidem castitatem, sed salvo semper jure sponsæ, ita scilicet, ut teneatur post initum Matrimonium reddere debitum, sed non petere. Ratio dubitandi est; quia in tali casu non censemtur sponsus cedere suis sponsalibus, neque velle non contrahere, cum nihil tollat ex iis, quæ debita sunt sponsæ: paratus enim est contrahere Matrimonium, & post contractum quidquid debet ex iustitia servare.

Nihilominus verum puto, posse sponsam resilire; quia facta est notabilis mutatio rerum comparatione foeminae, quæ nunquam poterit actum Matrimonii exercere, nisi ab ipsa petatur aliquà ratione; quod onus non tenetur foemina subire, maximè ante contractum Matrimonium. Sic ille. Et tu nota, quod tale votum non debeat simpliciter nominari votum castitatis.

Nunquid idem, dicendum de voto Ordinis facri? Certum est, per istud non fieri notabilem mutationem, cum non obligeret ad castitatem neque perfectam, neque imperfectam; sed tantum ad susceptionem Ordinis facri, cui annexitur præceptum aut votum castitatis, quamdiu ergo Ordo non suscipitur, in nullo prædictatur sponsæ quod redditionem, vel petitionem debiti, & certum est, quod Matrimonio jam contracto, non possit Ordines sacros suscipere, absque consensu conjugis; et si solum foret Matrimonium ratum.

Sed nunquid per tale votum, vovens censemtur renuntiare juri suo? Nequaquam si tantum vult se obligare pro tempore, quo alias erit liber a sponsalibus contractis; patet, quia tunc non intendit se obligare ad id, suo, quod est incompossibile cum Matrimonio sibi promisso; quia intendit Matrimonium contrahere, antequam Ordines suscipiat; idque, quia seit, vorum suum non obligare ad susceptionem Ordinum cum præjudicio sponsæ.

Sin autem putet votum suum obligare cum dissolutione sponsalium præcedentium, atque adeo vi voti sui debere suscipere Ordines, antequam contrahat Matrimonium promissio; clarum est, hoc ipso renuntiare juri suo, cum se obligaret ad id, quod est incompossibile cum Matrimonio, sibi promisso.

His præmissis de ultima parte Conclusio incipio examinare primam, quæ docet, neque vorum castitatis, neque votum Ordinis facri diu imere sponsalia præcedentia. Ita de voto castitatis docet Sanchez disputatione 46. numero nono, & de voto Ordinis facri disputatione 47. numero tertio. Ratio fundamentalis est; quia neque ex natura rei, neque ex jure positivo satis clare probatur talis effectus; adeoque non affertus, utpote quo alter privatur iure sibi jam acquisito per contractum onerosum, quod nullatenus fieri debet, ut supra adhuc notavi, absque claro iute naturali aut positivo.

Respondet Pontius supra cap. 12. numero tertio, ubi oppositum teneret de voto Ordinis facri; siplum Ordinem sacram affidit, utrumque post sponsalia licet, etiam vovere Ordinem licebit. Quid si licitum est votum, non potest ei non



140 *Disput. II. De Contractu & Sacramento Matrimonii.*

hilominus ex vi promissionis impeditus maner, neque intelligitur inclusa conditio melioris frugis seu usus, ut constat ex communis sensu omnium hominum, alioquin nihil esset firmum in humanis promissionibus.

Ratio autem est; quia homo non tenetur facere, quod melius est, neque etiam se expeditum confervare ad illud eligendum: ergo licet potest aliquid facere, vel ita se obligare, ut jam non solum non sit melius, verum nec licet, quod anteā melius erat; ergo ex natura rei ad honestatem actus non est necessarium, ut subintelligat illa exceptio melioris frugis aut status; ergo per sponsalia potest homo se ita obligare, ut jam sibi non liceat non nubere. Et sine dubio, si sponsalia fierent cum hac expressa & quasi reflexa intentione, forent efficacia ad inducendam illam obligationem; cum auctoritate legis non impediatur, & alioquin sicut de re honesta, & proprio dominio voluntatis subjecta. Quapropter quoties aliqui absolute contrahant, & nihil excipiunt, intelligendi sunt ita se obligare, & eligere minus bonum, reliquo meliori.

Ex his patet, non esse hic argumentandum à Matrimonio rato ad sponsalia; quia in illo sola exceptio Religionis admittitur, non quia quomodocumque est melius bonum, sed quia est tale, quod, auctoritate legis, hoc habeat privilegium; ut proinde quantumcumque quis contrahendo Matrimonium intendat ita se obligare, ut non possit Religiosus fieri ante consummationem, nihil faciat quoad hoc; sed semper retineat idem privilegium, quia est legē introductum in favorem bonis communis, cui non potest privata persona cedere; arg. cap. Si diligenter, 12. de Foro compet. ibi: Manifeste patet, quod non solum invitti (Clerici) sed etiam voluntarii, pacisci non possunt, ut sacerdotalia iudicia subeant, cum non sit beneficium hoc personale, cui renuntiari valeat; sed potius toti collegio Ecclesiastico publice sit indulatum: cui prælatorum pactio derogare non potest.

E contrario vero, quamvis Sacerdotium cum suo voto, quodammodo solemnī, sine dubio sit perfectior status, quam Matrimonium; nihilominus non intelligitur exceptio in contractu Matrimonii rati, quia nullius legis auctoritate illa exceptio nititur, & alioquin contractus simpliciter & absolute sit: non est ergo verum illud principium, in humano contractu implicari exceptionem melioris boni aut status absolute, sed illius tantum, qui legis auctoritate fundatur; & ideo quamvis in praesenti contractu fateamur includi exceptionem religiosi status, non ramen Ordinis sacri, aut voti simplicis castitatis, quia nec Ordo sacer, nec votum simplex castitatis, legis alicuius auctoritate fundatur.

Suarez. Alioquin (ut notat Suarez lib. 9. de Voro

castitatis c. 7. n. 10.) non solum votum, sed etiam propositum perpetuae virginitatis irritaret vel impediret obligationem sponsalium; quia status virginitatis, etiam seculi voto, est perfectior, quam status Matrimonii, juxta illud Apolloli 1. Cor. 7. *Qui non jungit melius facit;* ergo hoc quoque bonum intelligitur exceptum in sponsalibus, etiam seculi voto, quia etiam hoc est exceptio melioris frugis; hoc autem à nemine admittitur.

Nec obstat, quod supra dicebat Pontius, 159. cælibatum non esse statum; quia nec votum simplex castitatis propriè est status perfectionis, ut notat Suarez suprà, & tamen Poncius ei tribuit vim irritandi sponsalia precedentes. Si ergo Ordo sacer irritat, non ideo, quia status est, sed quia conditio melior; quod etiam indubie convenit cælibatu, seu propenso calce semper vivendi in sacerdotio.

Dicere autem, inquit Suarez, illud bo- 160. num voto firmatum, est maius, plusque participare de ratione status perfectionis, est quidem verum, non tamen sufficiens, ut dicere possimus sine alia legis auctoritate, vel expressa contrahentium voluntate, hujus boni exceptionem includi in tali contractu, quia magis & minus non variant speciem seu rationem; alioquin erit, ut sic dicam, exceptio arbitraria, & de multis alius bonis posset quis dicere, etiam intelligi excepta; ut v. g. si quis fieret conversus in Religione, in qua nullum votum, etiam simplex castitatis, converti emittunt, sed solum se tradunt servitio Religionis; per illum actum diceret quis, solvi sponsalia, quia est melius bonum, & fortasse æquivalens voto simplici continentia, & quædam participatio status perfectionis, nam propriè status perfectionis etiam per votum simplex continentia non constituitur.

Et ideo non est inefficax argumentum, quod Corduba etiam sumit de voto diutius contemplandi, & fortasse efficacius sumi posset de voto simplici paupertatis, & de voto v. g. perpetuo peregrinandi, & similibus: non videtur ergo hoc relinquendum privato arbitrio, sed auctoritate legis, vel pactioni factæ insistendo. Hæc ille.

Si objicias; in voto semper includitur exceptio melioris boni. Respondet Suarez suprà n. 11. longe diversam esse rationem: tum, inquit, quia scopus voti est divinus cultus, qui semper est major in meliori voto; in promissione autem hominis proxime intenditur commodum vel utilitas ejus, cui fit promissio: & ideo quod aliud bonum sit melius, impertinens est ad scopum talis promissionis: tum etiam; quia in voto, dum bonum minus propter maius relinquitur, semper est in ordine ad eandem personam, cui factum est votum, & ex consensu ejus fatem inter pretativo: at vero in praesenti illud bonum, quod

quod majus est, non pertinet ad personam, cui facta est promissio, ut per se patet; neque ejus consensus expectatur, ut suppono: nam si illa cederet jure suo, non esset quaestio. Hoc ergo fundamentum, de illa exceptione subintellecta non videtur solidum, neque ullo jure aut ratione fundatum; nullum autem aliud hujus sententia fundamentum in illis Autoribus invenio, nec faciliter poterit excogitari. Ita Suarez.

161. Sed quod Suarez putavit, non posse faciliter exigitari, hoc Poncii supra c. 12. n. 4. exigitur se excogitasse. Docet itaque ibi, votum simpliciter castitatis dirimi sponsalia praecedentia utriusque. Et quidem, inquit, mihi videtur haec sententia planè confirmari ex eis. 5. Qui cap. Veniens, 5. Qui Clerici vel vovent. Species facti haec est: Quædam mulier sponsalia contraxit cum alio absente, cuius fævitiam, ut fama divulgabat, deterrita, de consilio cuiusdam Eremita Augustiniani, votum simplex castitatis emisit. Quo auditio, vir contraxit Matrimonium cum altera; consiluitur Pontifex Alex. 3. & responderet: Nos itaque attendentes tatus esse, ut prefata mulier post fidem & votum simpliciter oblatum, Matrimonium contrahat, quam fornicatione reatum incurrat: Mandamus, quatenus, si plus non processit, sibi de fide mentita, & voto violato congreuam satisfactionem indicas, & ei, cui vult, nabendis in Domino licentiam tribue non posponas. Haec ibi.

Ex quo textu planè constat, illam fuisse obligatum voto, & reverâ votum valuisse, quandoquidem imponitur penitentia de violato voto: & alias si votum non fuisset licitum, nec valeret, non peteret fomina nubendi licentiam; neque egeret dispensatione ad nubendum alteri, quam eo loco Pontifex per Episcopum concedit. Dispensatio autem concessa fuit, eò quod mulier, ut colligitur ex textu, illicitos concubitus meditabatur.

Accedit etiam non una ratio. Prima; quia vel istud votum castitatis, emissum post sponsalia, est validum, vel non. Hoc secundum dici non potest, ut constat ex textu, & ex eo, quod fatetur idem Tho. Sanchez, voventem obligatum manere ad non petendum, & peccare contrahendo Matrimonium. Si ergo validum est votum, non possunt sponsalia confitentes, quia incompensibilis est obligatio absoluta voti cum obligatione sponsalium. Secunda; quia iure naturali id etiam videtur observandum, cum nulla sit injuria promissario in eo, quod non impletatur ea promissio. Denique; quia illi, qui non vorvit, non posset non esse oneri Matrimonium securum, cum ille, qui vorum fecit castitatis, jure non possit debitum conjugale petere; ac proinde cogetur ille debitum pe-

tere, quoties uti voluerit conjugio, quod si ne onere & difficultate non sit. Hucusque Poncii.

Sed operam lusisse videtur; nam ad omnes rationes ejus patet responsio ex jam dictis. Ad 3. quia difficile est tempore petere debitum; idèo licitum est alteri à sponsaliis resiliere; ergo etiam voventi licitum est resiliere à sponsalibus, aut sponsalia ipso jure soluta sunt ex parte utriusque; negatur Consequentia. Si quidem tametsi etiam voventi difficile sit tempore expectare petitionem partis, ut licite possit uti conjugio, sibi ipsi imputare debet hanc difficultatem. Secunda ratio falsa est; aut certè petit principium, & supponit, quod probandum est.

Ad primam rationem dico; votum castitatis emissum post sponsalia esse validum, sicuti validum est votum castitatis, emissum post Matrimonium de presenti, id est, esse validum non quidem absolute, sed quantum fieri potest abesse præjudicio alterius partis; puta quantum attinet ad petitionem debiti, & redditum, solutis prioribus sponsalibus ob aliam justam causam; sicuti votum, emissum post Matrimonium contractum, obligat ad non petendum debitum, & non reddendum, priori Matrimonio soluto, & quandocumque abesse iniustitia potest redditio negari.

Quæris à me; an etiam tale votum sit licitum? Respondeo cum Sanchez lib. 1. disp. 46. An tale votum sit licitum, esse peccatum lethale, si fiat animo malo, Sanchez, si autem animo ingrediendi Religionem, aut perficiendi sponsalia, Matrimonio inito, obligandique se ad castitatem ex parte sua, in quantum potest, sic voventem nullius culpe reum esse: nam etiam conjugatis licitum est, hoc modo vorere castitatem.

Igitur, juxta Sanchez, non peccat contrahens Matrimonium prius promissum, etiam supposita validitate voti; quia quævis non possit cum matrimonio stare absolute obligatio voti castitatis; tamen stat imperfecta obligatio pro tempore Matrimonii, & absolute Matrimonio soluto; porrò quando actus non potest valere prout sit, valet eo modo, quo potest valere; arg. c. un. de Despons. impub. in 6. in fine: Per dictum tamen contractum, qui valuit ut posuit, non sicuti agebatur, publice honestatis iustitia est inducia.

Atque hoc solum probat cap. Veniens, super à Poncio allegatum; videlicet votum illud obligasse mulierem ad non contrahendum cum alio, post soluta sponsalia per contractum de presenti cum tertia; & ante hunc desumpte, etiam post votum emissum, mansisse obligationem contrahendi Matrimonium cum priori sposo. Colligitur ex illis verbis: Sibi de fide mentita, & voto violato, congreuam satisfactionem indicas; de fide qui-

163.  
Resp. ad ratiōnes.

C. un. de  
Despons. impub. in  
6.

quidem mentita, quia ideo voverat, ut resiliaret à sponsalibus, & ne cogeretur contrahere Matrimonium, cùm tamen votum illud non foret causa sufficiens resiliendi; de voto autem violato, quia jam incepserat in honeste vivere, aut certè proponebat in honeste vivere, nisi data fuisset licentia contrahendi Matrimonium. Ecce quomodo non solum non confirmetur sententia Poncii ex hoc jure, sed potius infirmetur; siquidem imponitur poenitentia feminæ de fide mentita, seu non servata sponsoris; quia ipsa in causa fuerat, ne contraheretur Matrimonium.

166.  
Responso  
Pontii.

Repondet Pontius suprà n. 5. si occulte contracta sponsalia fint, & emissum votum, Ecclesiam non compellere ad implenda sponsalia; sed in foro conscientie obligationem esse implendi votum. Si vero in judicio constet, contracta fuisse sponsalia, non autem confitetur de emissio voto, cogit ab solutè sponsalia implere, non ex defectu juris, sed probationis. At si utrumque constet, & contraxisse, & vovisse, non simpliciter compellit implere sponsalia. Et ideo in dicto cap. *Venians*, ea mulier accusatur de fide mentita & voto violato, quia neque contraxit Matrimonium, neque castitati servanda studebat.

Quod si urgeas; quod in dicto cap. dicitur, fides violata; ergo adhuc valeant sponsalia emissum voto. Responderet Joannes Azor: ita in foro externo judicatum, quia de voto non constabat, & simul etiam dispensationem dari, quia postea publicum factum est. Haec est natus Pontius.

Sed contrà primò: simus proponit Pontifici & votum & sponsalia; ergo unum non erat magis notum Pontifici, quam aliud. Secundò: quāvis aliquis non obseruit Professionem suam, emissum post sponsalia, non propterea dicitur mentitus fidem sponsalium; sed dicitur violator sua Professionis seu voti, idque quia per Professionem absolutè solventur sponsalia; ergo similiter loquendum foret in casu proposito, si per simplex votum castitatis absolutè solverentur sponsalia. Denique; nostra sententia non necessariò probatur ex illo textu; sufficit nobis, illum textum non probare contrarium, prout manifestum est, non probare; solum quippe probat, illud votum obligasse ad non contrahendum secundum Matrimonium, & idè indiguisse illam feminam dispensatione, quod libenter fatemur.

Alii respondent ad hunc textum; idè dicci eam mulierem fidem mentitam, quia simulabat se recedere à sponsalibus animo continendi; cùm tamen eum non haberet, ut postea patuit ex contrario eventu. Hercule, inquit, non dicitur præcisè aliquis mentiri fidem sponsalium, è quod ab iis recedat, ut palam fit in eo, qui profitetur Religionem;

ad eoque illud, *Fidem mentitam*, intelligi debet de fide voti, non sponsalium.

Sed contrà exp̄s in textu distinguitur *Reponso*, fides à voto, ibi: *Nos itaque attendentes iutius esse, ut prefata mulier posset fidem, & votum simpliciter oblatum, Matrimonium contrahat*. Ergo quando postea Pontifex subiungit: *Mandamus quatenus ... sibi de fide mentita, & voto violato congruam satisfactionem indicas &c. non loquitur de fide voti, quia illa fides non est aliud, quām ipsum votum, quo significabat se veille abstineat à nuptiis; ac proinde per hoc, quod violavit votum, etiam violavit fidem voti; cùm tamen hic distinguatur fides mentita, à voto violato.*

Confirmatur; quia in alius iuribus per *Fidem mentitam*, intelligitur violatio sponsalium; cap. *Si inter*, 31. de Spon. in fine: *Sed C. 31. de eis est de violatione fidei penitentia injungenda*. Et cap. *Sicut*, 22. eod. ibi: *Imposita ei penitentia competentia, quia primam fidem irritam fecit*.

Nec obstat: quod transiens ad Religionem, non dicatur fidem mentiri, quia ex jure positivo licet ipsi talis transitus; arg. cap. *Ex publico*, 7. de Convers. conjug. ibi: *Mandamus, quatenus si predictus vir ipsam carnaliter non cognoverit, & eadem ad Religionem transire voluerit, recepta ab ea sufficientis cautione, quod vel ad Religionem transire, vel ad virum suum redire infra duorum mensium spatium debeat, ipsam a tententia, quā tenetur, absolvat &c. Ubli conceditur liber transitus ad Religionem, etiam post Matrimonium contractum de presenti, quād magis post sponsalia concedendus est? Oferunt nunc Adversarii simile jus, quod concedat transitum ad vatum castitatis aut Ordinis sacri post sponsalia, & jungimus dexteras.*

Dices; sicut professio Religionis solvit Matrimonium ratum, quod est majus vinculum, quām sponsalia; ita vatum Ordinis sacri, vel castitatis solvit sponsalia, quod est minus vinculum.

Respondeo; in positivis non valet semper argumentum à pari, vel à simili, nisi ad evitandum absurdum; nisi ergo ostendatur inconveniens esse & irrationabile, quod solvatur Matrimonium ratum per solemnem Professionem; minimè autem sponsalia per vatum castitatis, aut Ordinis facies, quod nullus haec tenus ostendit, nec ostendere facile poterit; persicimus in resolutione nostra, videbile, sponsalia utrimque non dissolvi per vatum castitatis, aut Ordinis sacri.

Quod si urgeas; obligatio voti, ut pote virtutis Religionis, praestat obligationi sponsalium, ut pote virtutis inferioris, scilicet iustitiae. Respondeo; quando obligatio iustitiae præcedit, mutat materiam, & reddit illam incapacem firmæ obligationis, etiam Religio-

167.  
Rejic tur.

168.  
Alia expli-  
catio d. cap.  
Veniens.



proinde suppositio libera est, & tolli posset; & ita etiam posset servari castitas sine ingredi-  
su Religionis. At vero in nostro casu, Ma-  
trimonium jam semel factum, tolli non po-  
test, nisi per Religionem, & illo durante,  
non est in potestate hominis licet negare de-  
bitum; & ideo casus ille censetur impotentiae  
simpliciter, & in priori eo voto non compre-  
hensus.

177.  
*Nulla est ne-  
cessitas que  
extra Reli-  
gionem cogat  
fornicari.*

Et consimiliter, nulla est necessitas, qua  
extra Religionem ad fornicandum cogat, ni-  
si voluntaria, qua potius erit moralis occa-  
sio, quam necessitas. Deinde; non est bona  
illatio; nam supponit, primam copulam  
reddendo debitum, esse contrariam voto,  
quod nos negamus: quod si intelligatur de  
contrarietate quasi materiali, tunc non est  
par ratio; quia hoc modo non exequi vatum,  
non est ita intrinsecum malum, sicut forniciari;  
nam ex variis impedimentis denud ortis, cel-  
lare potest obligatio voti, secundum obligatio non  
fornicandi. Porro impedimentum hic est,  
quod peccaret contra iustitiam negando copu-  
lam, nisi assumpto medio difficillimo, ad  
quod non voluit se obligare.

178.  
*Objec<sup>tio</sup>.*

*Solvitur.*

Contra, inquis, praevidit se non posse alio  
medio obseruare vatum suum; ergo saltem  
virtualiter ad illud voluit se obligare.

Respondeo; in causa proposito, id est, quan-  
do vatum antecedit Matrimonium, non pra-  
vidit, quia per accidens omnino contingit,  
quod postea contrahat Matrimonium; ergo  
quando emisit vatum, non praevidit necessi-  
tatem statutus religiosi, ergo saltem tunc non  
voluit, nequidem virtualiter, se obligare ad  
tale medium extraordinarium. Sin autem  
Matrimonium præcesserit, videri posset vo-  
vens intendisse, servare perfecte castitatem,  
non obstante tali Matrimonio, quod cum  
non possit facere, nisi dissolvendo illud Ma-  
trimonium per professionem in Religionem  
approbata, consequenter hoc etiam intendisse  
videtur.

Et explicari potest exemplo supra posito:  
nam si quis vovit dare eleemosynam, consti-  
tutus in tali statu necessitatis vel minoris  
abundantiae; obligabitur ad dandam illam,  
etiam si necesse sit suum statum diminuere;  
quia cum illa necessitas non supervenerit, sed  
fuerit praescita, convincitur te voluisse obli-  
gare, illa necessitate non obstante; quod sec-  
cūs est quando necessitas supervenit voto, &  
non fuit praevista. Ita ergo dici posset in pra-  
senti.

179.  
*Potest dici,  
quod qui  
post Matri-  
monium e-  
misi<sup>r</sup> voto  
rum, tenet  
tur ingredi  
Religionem.*

Nihilominus etiam contrarium dici pos-  
set, propter jura superioria allegata, qua lo-  
quuntur de voto emisso post contractum Ma-  
trimonium, nisi obstat contraria expressa in-  
tentio voventis; v. g. si intendat directe &  
formaliter se obligare ad servandam castita-  
tem, etiam non reddendo, idque sciens, se

non posse id facere manendo in seculo; tunc  
enim necesse est, ut vel in particulari velit  
medium Religionis, tamquam necessiarium  
ad intentionem suam implendam; ant certe  
in generali velit omnino abstinere a copula  
Matrimoniali eo modo, quo licet potuerit;  
in qua utique generali intentione includun-  
tur omnia media necessaria, qua licet diffi-  
cilia sint; tamen quia haec difficultas est suf-  
ficiente prævisa, cum status Matrimonii  
jam supponatur; ideo medium etiam Reli-  
gionis in illa generali intentione comprehen-  
sive censetur.

Sin autem ex ignorantia id faciat; quia  
putat id sibi esse licitum, permanendo in se-  
culo; clarum est non obligari ad ingredien-  
dum Religionem, sed posse reddere debitum,  
ablatam illa ignorantia.

Idemque dicendum videtur, quoties illud  
votum fit, sine expresa intentione se obli-  
gandi ad non reddendum debitum, sed so-  
lum confusè de servanda castitate; interpre-  
tandum enim videtur de castitate conjugali  
durante illo Matrimonio; vel melius, de liganti  
castitate, quantum in ipso fuerit, durante illo  
statu, ac deinceps perpetuo; sicut si tactum  
effet vatum post Matrimonium consumma-  
tum. Quia si vovens non cogitavit de disolu-  
tione Matrimonii, vel separatione ab alte-  
ro conuge, interpretanda est ejus intentio  
eo modo, quo honeste & prudenter haberi  
posset, ablique mutatione statutus, seu extra  
Religionem, ad quam nemo est obligandus  
(nisi de formalis vel virtuali ejus consenserit)  
propter ejus excellentiam  
& difficultatem. Unde sicut nemo tenetur  
rem inferioris ordinis compensare cum re  
superioris ordinis onerosissima, v. g. debitu  
pecuniae cum vita aut famae derrimto, vel  
amissione libertatis, seipsum vendendo in  
servum; ita quoque nemo tenetur reddere  
vatum castitatis, cum iactura proprie<sup>r</sup> libertatis,  
& quasi omnium bonorum temporali-  
um, quam incurrit per Professionem Reli-  
gionis.

Fareor, Religio summum Dei beneficium  
est, & optimum medium servandi castita-  
tem, sed sponte illud eligenti; nec est ne-  
gandum, illam esse gravissimum onus, &  
rare, ut nemo ad illud subeundum compellendus  
sit, nisi se expresse aut saltem implicite  
obligaret; nam status religiosus, nisi sponte  
suscipiatur, difficiles solet habere exitus. At  
que ideo hujus sententiae sunt, Sanchez lib. 9. disp. 34. num. 3. cum Aliis quos magno  
citat numero, quibus adde Surius tom. 3.  
de Relig. lib. 9. de voto castitatis cap. 5. n. 4  
& seq.

Neque contrarium docet Scotus 4. dist. 38. num. 5. dicens: Quando etiam consum-  
mat (Matrimonium contractum post vatum deca-  
casti-

Sect. 2. De Jure dissolvendi Sponsalia. Concl. 7.

145

(castritatis) videtur peccare mortaliter, quia contra votum suum. Nam, ut notat Scholium p. 4. loquitur, quando intentione fixum non consummandi (& per conlegens, ingrediendi Religionem) contraxit. Deinde; non loquitur absoluere, sed solum id afferit tamquam probable (ut revera est) prout patet ex verbo: *Videtur*. Vel 3. posset dici, Scotum fuisse locutum de prima redditione ante bimestre; quia ante illud tempus, coniugis non habet ius iustitiae ad copulam; adeoque non redditur tali causa debitum, sed gratuidate conceditur usus corporis, quod est contra tale votum castritatis, ut patet; neque enim excusatatur consummatio Matrimonii, nisi quia debita ex iustitia, cui debito non potuit alter per suum votum praesudicare, & ideo tunc cessat obligatio voti.

Ex his lequitur manifeste; idem plane dicendum esse de voto, quod sequitur sponsalia; cur enim hoc votum magis obligaret ad ingressum Religionis, quam aliud, quod sequitur Matrimonium ratum? Nulla vel apparentis ratio assignari potest. Et ideo sic docet, etiam de hoc voto, Sanchez lib. 1. disp. 46. n. 13. cum Aliis, quos citat. Nec video, quid ulterius possit objici, solutione dignum; quam realia transco, & queror; an per sponsalia, aut Matrimonium cum tertio, solvantur priora sponsalia ex parte utriusque. Responsio erit

CONCLUSIO VII.

Sponsalia posteriora, ut etiam Matrimonium subsequens, tribuunt ius innocentis dissolvendi sponsalia priora; minimè ea solvunt ex parte utriusque.

**P**rima pars Conclus. ab omnibus admittitur; tum, quia supervenit notabilis mutatione; tum, quia juxta commune dictum: *Frangenti fidem, fides frangatur eidem*. Evident si potest Matrimonium solvi quoad thorum & cohabitationem propter adulterium, multo magis propter sponsalia, aut Matrimonium cum 3. poterunt solvi priora sponsalia ex parte eius, cui fides servata non fuit; nam longè fortius est vinculum Matrimonii, quam sponsalium: si ergo propter non servatam fidem conjugii, potest conjux innocens alteri negare debitum conjugale, etiam propter non servatam fidem sponsalium, pars innocens poterit negare parti nocenti debitum sponsalium.

Et verò ex jure fatis constat, Matrimonium, cum sit fortius vinculum, ut jam dixi, dissolvere sponsalia; sic quippe legitimus cap. *Si inter, 31. de Sponf.* *Verum si inter ipsos*

*accessit tantummodo promissio de futuro, utro- subsequens que dicente alteri: Ego te recipiam in meam: solvere & ego te in meum, sive verbasimilia; si alius mulierem illam per verba de presenti desponsatur; etiam si inter ipsam & primum juramentum inter venerit (scilicet diximus) de futuro, huiusmodi desponsationis intuitu secundum Matrimonium non poterit separari, sed eis est de violatione fidei penitentia injungenda. Ubi Gloss. verb. Non poterit separari: Quia, inquit, fortius vinculum supervenit, & sic solvuntur sponsalia, non obstante juramento.*

Idem decernitur cap. 1. de Sponsa duorum, ibi: *Si aliquis alicui mulieri fidem fecerit passionis, non debet aliam ducere: si aliam duxerit, penitentiam debet agere de fide mentita: maneat tamen cum illa, quam duxit. Queris, quid sit fides passionis?* Respondet ex eodem jure: *Est autem fides passionis, quando aliquis promittit alicui fidem, quod eam ducet, si permisit eum rem secum habere, vel etiam pro consensu. Et una est fides desponsationis de futuro, & altera consensus de presenti, ut notat Gloss. ibid. verb. Passionis.*

Itaque non est dubitandum, quin ex prioribus sponsalibus nulla sit obligatio; contrahēdi Matrimonium cum priori sponsa, quādū constat Matrimonium cum posteriori sponsa; sin autem hoc Matrimonium solutum fuerit per mortem posterioris sponsae, tunc questio est inter DD. an prior sponsa ius habeat repudiandi sponsum, & ipse vi priorum sponsalium teneatur eam ducere.

Ad quam priusquam respondeo; præmitto, quod clarum est, scilicet per posteriora sponsalia, cū sint omnino irrita, ut ostendimus Sect. præced. Conclus. 14. nullatenus solvi obligationem priorum sponsalium; sed manere obligationem ad beneplacitum partis innocentis, prout est videre in simili de Matrimonio; ubi adulteri obligatur ad debitum reddendum; & ad cohabitationem pro libito innocentis, quāvis innocentis ex parte sua non obligetur.

Nunc ad questionem propositam. Sanchez libro primo, disput. 48. numero tertio, putat probabilius, per Matrimonium istud omnino extingui priora sponsalia; ac proinde soluto Matrimonio, nullam superesse obligationem illa perficiendi, tametsi pars innocens eam perfectionem exigere. Probatur, inquit ille, quia per illud Matrimonium extincta sunt, ut probant textus numero primo adducti (puta cap. *Si inter, de Sponsa, cap. primum de Sponsa duorum, & similia iura*) obligatio autem semel extincta, amplius non reviviscit, l. *Quires, §. Arream.* Probat 2. ff. de Solut. & cap. *Quaris, de Confecrat.* dist. 4. Item; quia cū sint obligations ejusdem rationis, extinguitur prior per fortiorum supervenientem, ut votum strictioris

T Re-

184.  
An soluto  
Matrimonio  
prior sponsa  
habent ius,

185.  
Negat Sanchez,  
& probat 2.